



18242

Kalkon

I

Mag. St. Un

P

Palat. Minie,

Miczynski Seb: Oratio in  
funere Illust. ac magni Dni  
Christophori Pawi, Palatini duc  
Minscensis.  
Vilnae Jo. Karcan, 1611.

PANEG. et VITAE

Polon.

4to

M 673.



Biblioteka Jagiellońska



stdr0002308



18242



ORATIO  
SEBASTIANI MICZYNSKI ARTIVM ET  
PHILOSOPHIÆ BACCALAVREI  
*Almæ Academiæ Cracovien.*

IN FVNERE  
ILLVSTRIS AC  
MAGNIFICI DOMINI  
CHRISTOPHORI PACZ, PALATI-  
nidæ Minscen. &c, &c. Nobilissimi, & Cla-  
rissimi adolescentis, discipuli sui  
suauissimi.

KILNÆ Pridie Non. Ianuar.

M. DC. XI.

In Officina Ioannis Karcani.





Transiuerunt dies mei sicut  
naues poma portantes.

Quisquis es ne me infelicem puta.

*Beatus ille quem iuuentæ in limine  
Abstrahit à vitijs ipse, et sibi adstringit Deus.*

Natus XVII. Calend. Octobr. M. D. XC. III.

Moritur. XIII. Calend. Nouembr.  
M. DC. X.





# ORATIO.



Vpreum tibi, suauissime Christophore, in hoc acerbissimo spectaculo, Dei præpotentis voluntate, & ineuitabili humanæ conditionis necessitate, nobis constituto, officium præstiturus, quid faciam? quò me vertam? nescio. Virtus tua singularis, amor, & pietas in me incredibilis, multa, & magna merentur. atqui, vt Vlysses apud Alcinoũ nihil habet, quod rependat pro ingentibus meritis, præter vota, & grates: ita ego quem cætera destituunt, præter munera hæc mētis, atq; egregium celebrandi, ac prædicandi tui studium. Verũ hoc ipsum quĩ præstem? Quicquid damnaturi me Stoici nostri sint, ingenuè fateor, doleo: nec apud me satis esse videor. Ægritudine obstupefactus est animus meus: oculi lacrymando defessi:

*Claudicat ingenium, delirat linguaq; mensq;*  
cũ te iacentem intueor, qui me iacentem erigere: exanimem, qui exanimato aliquo casu mihi animum addere solebas. Et sanè vnus mei iste luctus est: Communis patriæ, & tuorum. Scilicet, cũ eius quod amissum est excellentia perspicitur, copiosus dolor ex illius amissione percipitur. Eheu tu Christophore suauissime, qui genio, ingenio, virtute, & doctrina facile eminebas, omniumq; animos ad magnam spem erigebas, in ipso æui flore, acerbâ, & immatura morte, patriæ, tuis, & mihi sublatus es. Luget itaq; patria, quia alumno à quo præsidium grande,



& lumen iam iam expectabat, orbata est: lugent tui, quia germine, & propagine suæ vetustissimæ, ac nobilissimæ stirpis sunt priuati: lugeo ego, quia solatium, & verè dicam, dimidium vitæ meæ, quo neminem ego: nemo me vnquam fidelius amauit, amisi. Heus mi Christophore quis mihi post te alter? Nemo. non magis quàm ante te quisquam talis fuit. Beatum quidem te extra omne discrimen, & extra molestias; ego certè experior, quàm durum sit suauissima illa tua consuetudine priuari, quàm acerbum, & funestum, corpus tuum exangue intueri. Cæterùm quoniam conqueri mollicia est; reluctari diuinæ prouidentig decreto insania: connitar quantum potero, & omnem difficultatem pietate superare conabor, leuationemq; huius doloris ex virtutibus, & laudibus tuis, grata commemoratione renouandis, disquiram. Non dissimulo Auditores nobilissimi, & doctissimi, verus mihi in eum affectus: hæret mihi in arcano isto penetrali; hic nimirum est virtutis, & doctrinæ foetus: tamen fuco verborum nemini imponam, nec ipse morum. Candidus fuit, & bonis bene natus in re bona: ego rem, vt est, candidè dicam. Faucte qui auditis, & breue, sed fidum elogium censete.

Ingredior, & comprimis genus Christophori mei, Auditores nobilissimi, intueor. Non enim mihi placet vulgaris, & abiecta opinio quorundam, existimantium generis nobilitatem nihil homini ad futuram successionem conferre, neq; latentia quædam principia, & semina virtutis, in productione liberis communicari. Egregia, & insignis est, ait Euripides, inter homines nota, nobili stirpe nasci. Siccine aurum quæuis terra gignit?

*Fortes*



*Fortes creantur fortibus.*

ait Lyricorum præstantissimus. Bene & Philosophorum  
columen: Par est meliores esse eos, qui ex melioribus.  
Etenim ita ferè naturâ comparatum est, vt qua in familia  
multi præclari virtuteq; & rerum gestarum gloria insi-  
gnes viri floruerint, ex eadem qui sunt, eorum vestigia  
cupidissimè persequantur. Sic res est, sic Auditores, &  
Christophorus noster natus Ioanne Pacio Palatino Min-  
iscen. & Sophia Vilsniouecia, antiquissima, & celeberrima  
vtraq; stirpe, nobilissimus est. In vtraq; si spectemus ad  
capita principum virorum, liberalium, magnanimorum,  
fortissimorum per paucæ gentes cum vtraq; sunt compa-  
randæ. Fulgent minutiora per noctem astra; & Bootes  
ad Solis radios hebet, & Lucifer. atqui gens Paciorum, &  
Vilsnioueciorum, vtraq; antiqua, vtraque potens splen-  
det inter primas

*Velut inter ignes*

*Luna minores.*

Et mehercle quotusquisq; doctiorum id neget? Legimus,  
& vidimus ex vtraq; tanquam ex equo Troiano prodijisse  
Illustres heroas, fortissimos Hercules, prudentissimos  
Nestores, vigilantissimos Iasones, religiosissimos Numas,  
& breuiter robustissimos Atlantes qui religionem, & pa-  
triam, humeris suis sustinuerint. Pleni sunt libri, plenæ  
illorum exemplis, omnium voces, quid ego percerneam?  
Illustrem saltem & longiori vita, nisi fata nobis inuidis-  
sent, digniorem, Ioannem Pacium patrem Christophori  
nostri ante oculos breuiusculè ponamus, quis eo religio-  
sior?



fior? quis fortior? quis virtutis amantior? quis eloquentior? quis laboris tolerantior? Quicquid temporis à publicis negocijs vacui habuit, ad studia contulit, & doctrinam.

- animusq; vicissim

*Aut curam impendit populis, aut otia Musis.*

Nota vobis omnibus eius probitas, nota fides, nota constantia, nota prudentia in bello, & pace, quæ veluti lumen quoddam lucidissimum in eo eluxere. Hinc ob suas amabiles dotes Serenissimo Regi, magnis, & principibus viris mirificè carus fuit. addo etiam Sanctissimo Pontifici Romano Clementi viii. Hic quippe eum anno lustrali Romam venientem cum honore excepit: hærentem cum amore habuit: abeuntem cum dolore dimisit. Quid amorem eius in patriam? Nonné vidistis? omnes neruos, omnem industriam, omnem diligentiam, omnes conatus, & vires ad salutem, & ornamentum eius appulit. Testes appello honores amplissima virtutis eius, & meritò præmia. Quid eum in numerum vigilantissimi Senatus cooptauit? virtus, & merita. Pertransiuit ædem virtutis, in æde honoris stetit. In hac edita dignitatis specula collocatus quid egit? Tanquam centoculus Argus omnem Reipublicæ stabilitatem, & splendorem prouidebat. Videre istud fuit cum aliàs sæpe, tum, vel maxime turbulentissimis illis temporibus. cum hominum quorundam maioris animi quàm consilij publica salus, vno velut filo appenderetur, & Respublica varijs iactata ventis ceu nauis in mari premeretur. Nullum ille tunc casum pro dignitate, & libertate eius non subiuit, vt iam penè aquis  
motuum



motuum ciuiliū obrutam, & consilio, & prudentia confirmaret. Nostis optimè, quis, qualis, & quantus ille vir fuisse, ego scio. plura dicere in re tam nota superuacaneum est, temporis angustia prohibent, Christophorus meus cum proprijs abundet laudibus, aliena conquirere, alienum censet. Siccine? Illustrissima videlicet gente natus, magnum & ipse cumulum lucis, non obstante quicquam tenera ætate, maioribus suis addidit. Res vobis Auditores anceps videtur? ego adeò supra rem nihil adstruo, vt pro re non dicam. Noui ipsius probitatem; ita mecum pie, modeste, industrie, laudabiliter vixit, vt affectum sui apud me æternum, alijs bonam famam, & exemplum reliquerit. An ille è vulgo adolescentium? Minimè: sed de quo illud verè potest:

- *Efficitus ex fove ramus.*

Etenim, & robore viribusq; mirum in modum excelluit, & ea fuit non oris modo, ac vultus; sed totius corporis pulchritudine, & dignitate, vt ex ipso aspectu, imago quædam ingenitæ virtutis, & honestatis emicaret. Et ob rem eam omnia in eo iucunda, omnia suauia: nimirum

*Gratior est pulchro veniens è corpore virtus.*

Sed quod cardo rei est, splendidissimè natum diligens, accurata, & liberalis excepit educatio. Cæcus plerumq; & imprudens solet esse amor parentum in liberos. infantiam quippe, & pueritiam statim delicijs soluunt: auro, argento, purpurâ, preciosis vestibus molliunt: habenas, & omnium rerum intolerandam laxant licentiam: demum ingenia optima nata deprauant; adeò, vt postquam adoleuerint



leuerint, ne si voluerint quidem, hæcce delicias prorsus exuere possint. Magna vis est consuetudinis, nec facile cum inhæserit, extirpari potest; sed quasi in naturam abit. Nihil eiusmodi, nihil Auditores, in meo fuit Christophoro.

*Eas mihi clarorum veniâ dixisse parentum,*  
qua in re sibi vnquam illi sunt blanditi? Profectò eius est felix, & excellens

- *indoles*

*Nutrita faustis sub penetralibus.*

Mores cum nutricis lacte optimos bibit. nil dictu fædum, visuq; hæc limina tetigit, intra quæ puer fuit.

*Maxima debetur puero reuerentia.*

Non immoror. Lycurgi educatio, Perlarum illi educatio. Non enim in delicato, sed simplici victu: non in otio, sed labore? non in luxu, sed rerum omnium parsimonia: non in temeritate, & audacia, sed modestia, & verecundia: non in licentia, sed timore: non in lusibus, & iocis, sed in disciplinis ingenuis primam illam, ac teneram ætatem ab omni labe intactam traduxit. Hinc toto vitæ decursu (spacio xvii. annorū ille continetur) iuuenis senibus, tyro veteranis, antiquæ illius innocentiae, continentiae, tolerantiae, obedientiae, grauitatis, & omnium deniq; virtutum exemplum extitit. Videlicet arduum ad virtutē, & gloriam iter semel ingressus, nunquam vllum temporis punctum, mentis aciem ab hoc fine deflexit.

- *A deo à teneris assuescere multum est;*

& ceu in semente spes messis posita est: ita totius reliquæ vitæ expectatio ab educatione pendet. Sed hæc sileo.

Vocat



Vocat me Christophorus meus ad maximè sibi propria,  
Et quidem Auditores, memoriam, & ingenium eius suspicor, & vehementer admiror. Enimuero illa ad rerum grauiissimarum, & variarum perceptionem in eo singularis: istud in omnia validum, ad omnes disciplinas docile, & ita factum, vt quæ discebat, non accipere à docentibus, ipse ex se parere, & eorum reminisci quodammodo ex illa veterè sententia Platonis videretur. Rem certè dico Auditores mei, supra rem; sed rem tamen veram. Annos natus non ampliùs decem in Comitoliis Minscen. in maxima frequentia illustrium & nobilium virorum, in deliberationibus publicis verba fecit. Deum immortalem quātas in illa ætate, quæ nihil cogitare, nihil loqui, nisi leue, ac ludicrum solet, inusitatæ cuiusdam, & inauditæ prudentiæ significationes dedit! Incredibile dictu. Sapientissimorum senum puerulus sententias anteuertit: quæq; illi dicturi erant prior ipse protulit. ô inauditas ingenij vires! ô celeritatem mentis eximiam! In tanta annorum immaturitate, tanta mentis, & consilij maturitas, Illustrissimo. Duci Ioanni Radiuilo à poculis Magni Ducatus Lituanix, cæterisq; nobilissimis viris, diuinū potius quoddam, quàm humanum videbatur. Scilicet quos summus illerum omnium arbiter Deus non vult hîc perennare, in eis plerumq; virtus non expectat annos. Neq; verò naturā optimā, & solum illud ingenij fertile rubigine inficisuit: certe complexus illa studia, à quibus facilis est in omnes dignitates decursus, acriter exercuit; & totum illud adolescentiæ tempus, cui communi hominum consuetudine, atq; tacita ipsius naturæ lege, maior licentia tribui solet,



in labore animiq; cultu honestè, & libenter consumpsit.  
Frequens in ore ipsius illud Euripidis :

*Labor gloriæ parens.*

Frequens illud Musonij: Iuuenis qui laborem, & contentionem refugit, seipsum bonis rebus omnibus indignum ostendit. Nec iniuria. Dignitas plerumq; & splendor ab isto campo; nec eruditio, aut virtus sine contentione, & labore influit. Hinc literas ita adamauit, vt studio intentum, ac Chrysippum quempiam frequenter cibi potitionisq; obliuio ceperit: ita in eis constanter perstitit, vt id vnum, à cæteris negocijs diuerticulum perpetuò habuerit. Nulla eum difficultas ab instituto cursu, nullum otium ad animi remissionem, nullus deniq; somnus ad quietem reuocauit. Sensit cum Platone, dormientem hominem nulla penitus re dignum: Vehementer doluit cum Demosthene ( oculatus testis dico ) si quando opificum antelucana vicius esset industria. Cupidinem videlicet veræ virtutis, & gloriæ, ingenerat visa toties aliena gloria, ac virtus; & sapiëntia, quâ non est alia possessio preciosior, ardentes in animis nostris amores sui excitat. Quid hîc? non in artibus duntaxat mansuetioribus, nimirum Poëtica, Oratoria, Historia, & similibus incredibiles fecit profectus; verùm etiam mirabiliter

*- quæ natura negauit*

*Visibus humanis, oculis ea pectoris hausit.*

*- Magni primordia mundi,*

*Et rerum causas, et quid natura sciebat.*

*Quid Deus, vnde niues, quæ fulminis esset origo,*

*Iuppiter, an venti discussa nube tonarent.*

*Quid*



*Quid quateret terras, quâ sidera lege mearent.*

Acutus fuit in cognitione rerum, & explicatione naturæ: solers in vita, & moribus conformandis: subtilis in disserendo, & quid verum, quid falsum sit, iudicando. Multa ille sæpenuerò mecum doctè, multa acutè, multa subtiliter & sapienter, & ferè dixerim omnia in iudicio, & pondere. Quid mecum? vel summis Philosophis quærendo, & aliter sentiendo negotium multoties exhibuit. Egregiū sanè Lublini apud nobilissimos & doctissimos viros Tribunalitij principes iudicij, anno superiori, ingenij doctrinæq; specimen, & perpetuum sui desiderium reliquit. Fortunatum illud mihi tempus, cum ego vestris, Illustrissime Georgi dux Czartoriscen. Reuerendi admodum Rzezynsci Cracouien. Lipski Wladislauien. Canonici, nobilissime Boratinski insigne militiæ decus (cæteros non memoro) ob Christophori mei præstantes ingenij dotes, & raram in ea ætate doctrinam manibus propemodum gestabar. ubiq; (vt rectè Menander)

*Beata res est bonitas per Mineruam.*

Iam hîc Vilnæ vbi sapientia altas fixit radices, in publicis concertationibus (nota vobis nota plerisq; refero Auditores) frequenter illum palæstra Mineruæ, cum omnium applausu, & admiratione, semper tamen sub tegmine & vmbra modestæ virtutis habuit. Omnē ætatem modestia decet, & ducit, & sine hac præcipitat iuuentus. Quid ego hîc magnos, & illustres viros, qui Christophorum meum velut numen quoddam terrestre suspicati sunt referam? Te te Illustrissime Comes, & Reuerendissime Domine Francisce Simoneta appello. Magnum apud me,



magnum apud omnes iudicium tuum. magnum tu in meo  
Christophoro ingenium, & ad magna natum dixisti. Meri-  
tò sane. illud Siculi vatis in eum conuenit :

- *Stirps sacra Gratiarum.*

Addo, & Musarum. Etenim ad naturam eximiam, atq; il-  
lustrem adiunxit rationem, confirmationemq; doctrinæ,  
& ideo quid præclarū, & singulare in eo elucere visum est.

Nam *Doctrina vires promouet insitas,*

*Rectiq; cultus pectora roborant.*

Breui, si per fata licuisset, inter eos qui rem, non speciem  
habent in doctrina, fuisset, ostendissetq; quantum intersit  
inter doctos cultosq; nobiles, & istos qui nihil lucis habēt  
nisi à luce maiorum. Magnus in eo ardor discendi, ma-  
gnus amor sciendi, Solonem accepimus morti proximū,  
affidentes amicos de re quapiam, ne ipsi molestiam pare-  
rent submissē disputantes, rogasse, vt aliquatò clarius lo-  
querentur. nimirum vir sapientissimus sibi, si etiam mori-  
ens aliquid discere potuisset, discessum ē vita iucundio-  
rem fore cēsuit. Quid noster Christophorus? ne mori qui-  
dem, nisi discendo voluerit. Etenim morti vicinissimus  
librorum suppellectilem ad se comportari iussit, & erecto  
fortiter (non enim eum robur, & vigor sensuum, vsq; ad  
extremum destituit) semimortuo capite, summa cum de-  
lectatione reuoluit, præcipuē Herodotum, identidem su-  
as eum compellans delicias. O incredibilis sciendi cupi-  
ditas! Grauiissima vi morbi defixus in lecto morti iam iam  
proximus doctrinæ cognitionisq; studium indicauit. Tan-  
ta est cupiditas scientiæ, vt quantò quisq; perceperit plu-  
rimum, tantò auidius eam concupiscat. At nec in doctri-  
na so-



na solùm perrexit, sed multò magis in virtute. Scilicet sine hac censuit non dicam famam vllam sibi esse posse, sed vitam. Literulæ enim, & aliæ elegantix siue cultus ingeniorum vacui ab ista, sordes sunt, & mera deliramenta. Nautis solitarium Helenæ sidus non placet: Gemini illi sunt qui cùm apparuere tranquillitatem nunciant: homini doctrina, & virtus si iungat; doctrina siquidem animos virtuti purgat, virtus doctrinæ robur dat, ad cognitionemq; sui, & Deum, in quo omnis felicitas, ducit. Virtutem ego hîc in duos velut ramos diuido Pietatem, & Probitatem. Vtram harum Auditores mei in Christophoro meo desideratis? Pietatemne quæ in virtutibus caput est? Rectius illi semper de Deo sensus, rectius in Deum cultus. Sanctissimam Triadem Deum verum, Deum patrium, quem à maioribus accepit, candidè coluit, & diligenter retinuit. Serio in vno Deo, & Filio eius Christo, qui nos benignè redemit, liberauit, spem omnem positam humanæ salutis sciuit, & sensit, illicq; in animo, & ex animo preces, laudes, grates concepit: & hæc eadem per ritus, & gestus exprompsit. Venerationem eius in Diuos memorem? Nomen & grata memoria Sanctissimæ Virginis Deiparæ in medullis, & visceribus ei hærebat: hanc interdum, hanc noctu ad quietem compositus tutelarem, & matrem suam indulgentissimam appellabat. Taceo reliqua, postquam aduertit.

*Qualibus in tenebris vita est, quantisq; periculis.*

In Sacratissimo Rosario, & Sanctissimo Sodalitio Beatissimæ Virginis, adiungo, & Societate Diuæ Annæ, hoc æui quod-



ui quodcunq; fuit religiosissimè vixit. Nunquam enim vllum diem, quoties licuit, abire passus est, quo non rei diuinæ submisit & reuerenter interesset; præterea frequens illi, & diligens, næuorum animi expiatio: frequens atque feruens Diuinorum Mysteriorum perceptio. Iam quid illi molestius? quid acerbius? quàm quippiam contra sanctissimam religionem Catholicam audire? Generosi sanguinis adolescens virulentissimā hæresis foedissimæ Hydram apprimè detestabatur, & articulatim se prius concidit, ac comminui protestabatur, quàm à recta regula patriæ, & auitæ religionis abduci. Omnia bona sciuit ex ea fluere: eā neglecta collabi, ac concidere omnia. Agè verò probitas quanta in eo? Quid in patriam (vt hinc ordiar) charitatem eius loquar?

*Monstrârunt terris hunc tantum fata.*

Sensisses patria amorem eius sensisses, si Deo visum fuisset: Virtus ipsius breui maturitatem assecuta, si per nigrā illam Diuam, quæ homines præsertim quibus indoles melior, & ingenium supra annos, vt improuisus vortex nauim absorbet, licuisset, vberrimos tibi fructus attulisset. Natum ille se virtuti, non desidiæ: dignitati, non voluptati: patriæ, ciuibus suis potius, quàm sibi prædicabat. Paucis diebus antequam à nobis è corporis carcere ad locū.

*Fortunatorum nemorum sedesq; beatas*

euolasset, ex ipso, vt solebam familiariter, num sibi mortem molestam fore duceret, inquisiui: Ego verò (inquit) mortem quæ finis est huius miseræ, & principium melioris vitæ exhorrescam? Molestum mihi, fateor, non potuissè se me de sanctissima religione, atq; luauissima patria bene me



ne mereri: vt Luna quod luminis à Sole accipit; infero  
huic mundo refundit; sic libens ego dona, quæ à benigno  
illo Deo: Diuinæ tamen eius voluntati acquiesco. Viue-  
re me vult? volo. Mori? non nolo. Finis, & initium nostri  
ab illo sunt. Quid querimur si nos fingit, & refingit Ma-  
gnus ille Figulus? O dignissimum adolescentem hac vi-  
ta, nisi meliorem ei Deus destinasset. Reuerentiâ porro  
erga parentes, eorumq; præceptis obtemperacione (hæc  
laus in filijs præcipua est) ita præstitit, vt semper meliori  
sapientissimorum parentû iudicio se submiserit; nec vn-  
quam omnino voluntas eius à consilio, & monitis eorum  
discrepârit. Pulchrè Euripides: Quisquis in vita sua pa-  
rentes colit, Deo carus est. Quid? In fratres quantus  
quamq; se omni ex parte prodens amor? Vidi, & noui sem-  
per alias, sed potissimum, dum abiturus à nobis vltimum  
illis valedicit. hæret in amplexu, diffuauatur, omnia bo-  
na animatus cupit. Libet hic testamenti prudenter ab il-  
lo nobis relictæ particulam inserere. Fratres mei aman-  
tissimi vobis quid relinquam? Deum colitote ipsi cum ti-  
more, & tremore seruitote: parêtes honoratote, & omnia  
ipsis debetote: præceptoribus obedite, illosq; amato-  
te: si in viros creueritis patriæ, & Reipub. seruitote: vicia  
declinatote; sin secus, opto à Deo meo, vt me citissime  
comitemini. Quid plura? Iam fratres mei valete, valete,  
crescite, viuite concorditer in Ecclesiæ Catholicæ, ve-  
strum, & patriæ bonum. Dolete Illustres & generosi pu-  
eri, fratrem, verè fratrem amisistis. Dolete cognati, & pro-  
pinqui, columen amplissimæ gentis vestræ perdidistis.  
Singularis illi amor semper, singularis in vos obseruantia,  
etiam



etiam suprema voluntas eius, quid vobis velit, quid cupiat, testis est. Nobis præceptoribus ( ah Deus bone ) quis doloris? quis lacrymarum inodus? Cui ille vnquam ex nobis aliquando negotium facefsiuit? Nonné quantum ille ex nobis beneuolentiæ, tantum nos ex illo voluptatis cepimus? Magna virtus, magnum bonum in adolescente est obedientia, in Christophoro meo præcipuum, & singulare. Nihil vnquam temerè aut arroganter dixit, vel gessit: semper optimis, & amantissimis consilijs nostris aures patefecit; nec minùs præceptores, quàm parentes dilexit; identidem repetens, hos corporis: illos, animi curam suscipere. Quid mihi linguam, quid mentem suauissime Christophore inhibes? Ego sane hæc taceam deuinctus amore tuo? Ingratissimus sum, & dignus cui vel frons exemplo Macedonici illius militis inuratur, Ex fide dico, si benignum Numen mihi vitam dat.

*Sublimi series sidera vertice.*

Mira tua in me fides, mirus amor, mira pietas. Pylades, Euryalus, quin & Theseus mihi fuisti. Amoris mei fruticem amanter eduxisti: amanter aluisti, fouisti. Nulla tibi absq; me: nulla mihi absq; te horula. Plures mihi ad amorem, & æstimum tui causæ. Doctrina, dignitas, virtus, & ante omnia amor, & humanitas, quâ traxisti, & me tibi adamantino quodam vinculo nexuisti. Sed heu auida Parca abrumperè vincula inter nos sanctissimi amoris non parsit. Viuo ego: te ( me miserum ) exanguem inspicio. Pollux pro Castore (si Poëtis credimus) alternis moritur diebus.

*Fata si liceat mihi  
Fingere arbitrio meo.*

libens



libens libens morte mea, tuam redimo mortem. Non magis te amaui viuum, quàm verè viuum amo, amabo. A te scilicet

*Me nec Chimææ spiritus igneæ  
Diuellet unquam:*

nec alia vis laxabit. Verùm quid ego hæc? Apud me maneo;

-- *nec æternis minorem*

*Consilijs animum fatigo.*

Reuera enim id à supremo Deo, & fato est, cui quis nostrum præcludet iter cum ipsius prima lex sit Stare decreto? Reliquas in eo contueamur virtutes. Et sanè Auditores Christophorus meus magnitudine animi ea fuit, vt in omni vita, in omni fortuna æquabilis extiterit: æquam in rebus arduis seruauerit mentem:

-- *Non secus in bonis*

*Ab insolenti temperatam*

*Letitia.*

Candor autem, & constantia eius in amicos ea, quam nulla temporum asperitas potuit labefactare, aut imminuere. Comitas, atq; humanitas in omnes supra fidem singularis. in pauperes, & egentes incredibilis munificentia; nunquam vacuos & tristes à se dimisit. Frequenter aduertit eum de cibo & potu sibi subtraxisse, egenis dedisse. Age dum

-- *Cui pudor, et iustitiæ soror*

*Incorrupta fides, nudaq; veritas,*

*Quando vllum inuenient parem?*

Quid puritatem vitæ & continentiam eius? ego satis effere possum. Vlysseum eloquentiæ flumen mihi optarem.

*Integer vitæ scelerisq; purus.*

C

non

non Circes pocula gustauit. Moly Homeri contra ea usus est. Corpus namq, tametsi animo obsequentissimum haberet, nunquam indulgentius traciuit: certè tenerrimos artus feruente precum studio, inedia, flagris afflixit; atq, ita semper Iasonis exemplo contra cantus Acheloidum, id est voluptatum, iuuentutem à re suo tramite abducendum, & in vada, ac scopulos deferentium, immotus stetit: & verò ex ore eius nihil insolentius, nihil indecentius prodijt: ampliùs si quid inhonestius audiuerit, rubore suffusus.

*Improuisum aſpris veluti qui ſentibus anguem  
Preſit humi nitens, trepiduſq, repente refugit.*

Hic tamen innocentissimus adolescens Auditores nobilissimi, illius teterrimæ Diuæ quæ apud viles, & contemptos sedem posuit regni (calumniam innuo, cui parentes mendacium, & inuidia: nutrix curiositas) atrox virus sensit. In omnem ætatem, sexum, ordinem hæc calamitas publica, & Phaëton quidam, vt sic dicam, orbis terræ debacchatur. Quis tam felix, aut sapiens, qui iacet ab ea esse liber? Paratum strictumq, dentem in omnes habet; sed tamen in eos maximè, qui magni. Cognouit hoc ipsum Christophorus meus, & modestissimè (nullius enim rei faciliùs quàm iniuriarum obliuisceretur) sustinuit. Bonus, & animosus miles leuia, & circum galeas crepitantia tela contemnit: ille dicteria. Quid enim tollunt? Famam? Bona ea semper apud bonos. Vt ignis in aquam coniectus continuò restinguitur; sic falsum crimen in castam vitam. Improbos qui ita faciunt, non solùm inuidos. Nihil eos moneo, voueo, & imprecor cum Dauide potiùs, muta fieri labia



ri labia dolosa, quæ loquuntur aduersus iustum. Teste Deo meo, qui abdita mentium, & pectoris fibras rimatur, dico puritatem, & integritatem vitæ magnopere ille admauit. Sic Auditores mei, ab omni virtute non abijt, à modestia minimè, quæ omnes eius dotes alias commendat, & per quam verè fuit quod Pòeta dicit de suo Mercurio:

*Superis Deorum*

*Gratus, et imis.*

In alto positum non alta sapere difficile est: certè difficile, & magnæ felicitatis, à felicitate non vinci. Quicquid enim leue, & inane in animo est, secunda se aura sustollit. Profecìò Christophorus meus antiqua illustri, & felici natus familia, ab omni fastu, & arrogantia alienus, nihil unquam neq; insolens, neq; gloriosum protulit. Summis dignitate, infimis facilitate par semper est visus. neminem contempsit; nemini etiam infimæ sortis se præposuit. cauit prudenter, & monito Poëtæ fortunam reuerenter habuit. Nouerat cuncta mortalium incerta: nouerat caduca hæc, & fragilia puerilibusq; consentanea crepundijs, quæ vires, atq; opes humanæ vocantur: nouerat magnas arbores diu crescere, vnâ horâ extirpari.

*Sequitur superbos vltor à tergo Deus.*

Hinc etiam sermo ei paucus, grauis, serius, prudens: & cultus corporis non exuberans. Multò pulchrius est animū præferre cultum, quàm corporis vestem. Vela contraho. Vidimus eum mansuetum, nulli irasci potuit, quin & nesciuit. Vidimus iustum, integrum, abstinentem, amantem pacis, & concordia, veracem, apertum, simplicem, ad aliorum potius peccata quàm ad sua conniuentem. Mores

C ij

denum

demum eius amabiles, & vt Poëtæ loquuntur, aureos non melius quàm Poëtæ verbis descripserim :

*Fronte grauis sæuūq; decor, tranquillaq; morum  
Temperies.*

Vulgò delicias eum nostras vocitabamus, & non hominē, sed terreſtre quoddam numen putabamus. nimirum in corpore iuuenili ſeniles mores, ſenilem prudentiam geſſit, & à recto virtutis tramite non receſſit. Non eſt hoc cuiusuis mihi credite Auditores

*Anguſtum collem, tenuis quò ſemita ducit  
Ipſa colit virtus.*

munitum pectus habeat oportet, quiſquis hunc ramum aureum decerpere in votis habet. Atq; hiſce dotibus Auditores nobiliſſimi, in vere ætatis, Chriſtophorus meus, dulciter ſuæ virtutis, & doctrinæ fecit ſementem: in æſtate expectabamus fructum, indoles eius ingeniumq; ad alta ipſum vocabant. ſed

*Ludit in humanis diuina potentia rebus.*

*Nil ſibi quiſquam ſpondere poteſt.*

*Firmum et ſtabile.*

Terra nempe nobis non pro domicilio, pro diuerſorio data: hæc quæ vita dicitur, non tam vita eſt, quàm iter ad vitam: in cœlo, non in terra nobis ſpes eſt figenda. Ecce tibi cum ſummam de eo expectationem concipimus, & vberem præſtolamur meſſem, lentus, at inauditus omnēq; fallens noſtram induſtriam morbus in eum incurrit. Vidi hic Auditores mei grauiffimorum, & clariſſimorum viro-  
rum amorem in Chriſtophorum meum, vidi dolorem inopinato ipſius caſu conceptum, Vidi tuum Illuſtriſſime

Dux



Dux Nicolae Christophore Radiuile Palatine Vilnen.  
omnium virtutum, & prudentiæ absolutissimum exem-  
plar, cum toties languentem adire, vimq; morbi amantif-  
simo alloquio imminuere subiisti. Vidi omnis ætatis, se-  
xus, ordinis pro eo ex animo preces, & vota concepta.  
Sed enim *Stat sua cuiq; dies.*

non Christophoro meo alius postea morbi, quàm vitæ fi-  
nis. Series malorum, quæ hic perpeßus est, ipsum pectus  
mihi grauitè commouet. obstupeo, & exhorresco, cum  
mihi acerbum illud tempus in mentem reuenit: incredi-  
bili tamen quadam fortitudine & constantia fuisse muni-  
tum, necessum est, confitear. Spectatæ virtutis adolescens  
vitam laudabiliter actam laudabili fine clausit. Non eum  
aut doloris acerbitas, & diuturnitas, aut metus mortis de  
gradu quiuit deijcere. Ultra nouem menses tantam vim  
doloris, & quidem varij, & diuersi sustinuit; quanta maxi-  
ma in hominem cadere potest; nunquam tamen vllam vo-  
cem parùm se dignam emisit: illud in ore eius: Domine  
recta iudicia tua, plura mereor, plura adde, atq; hîc vre,  
hîc feca. generosa, & Herculea hæc ad cœlum via est per  
æstum, & per ignem. Alta ille semper cogitabat Audito-  
res alta, id est cœlum; quò se languores perpetui duce-  
bant, non enim trahebant. Quid mortem sibi iam certā  
num exhorruit? Deus bone quàm suauiter inexterritus  
mecum de ea, innuens eam tranlitum ad ueram vitam. Bo-  
na mors, Auditores, est initium vitæ perennis: hæc quip-  
pe quam hic viuimus, est velut auicula, quæ pueri manu  
tenetur, & sæpius in ipsis primordijs euolat. Aduertimus  
iv. Idus Octobr. ineuitabilem ei ex hac vita migrandi ne-  
cessita-

cessitatem. Optimus nimirum Deus, optimos quosq; traducit ad optimam illam vitam. qui tum plangor, quæ lamentationes nostræ! diuersis, non diuersus diuersa suggerbat dolor. Ipse vnus interritus æquissimo animo me aduocat, & in hæc verba alloquitur. Quid tibi mi præceptor suauissime ploratio? quid lacrymæ? Bona fide ego me ire sentio ad metam, & libenter illum diem expecto quo Deus me hoc corpore, imò carcere soluet. Quid mali aut noui? Non magis mirum aut nouum mori hominem, quàm nasci. Perfer, & obdura. optimū est pati quod emendare non possis.

*Diuesne prisco natus ab Jnacho  
Nihil interest, pauper an infima  
De gente.*

Mors omnium æquatrix,

*Nec parcat imbellis iuuentæ  
Poplitibus.*

timido, & forti cadendum est. Ignavi animi ad primum ictum concidunt, tu ostende aliquid in te esse altioris auræ, & contra leuia hæc doloris arma, arripe vera. Inspice hominem, vitam, mortem, fatum; placabis etiam implacabilem dolorem. Quid est homo? Lutum, vt quidam ait, scite mixtum, vel vt alter; vmbre somnium. paulisper hîc sumus; nec quicquam firmi, nisi in firmo illo loco. Quid vita quam eripi lugemus? Peregrinatio, ludibriorū scæna, miseriarum mare, hæmina vna sanguinis, quam quilibet levis casus rumpit, quælibet fabricula corrumpit. Quid mors? requies, gaudium, & vera vita; aut si quid in ea mali, malis tantum. Iam deniq; fatum quid? Æterna  
ab æterno



ab æterno in æternum Dei lex. Morior ego. Lex ita lata. Caue pugnes cum necessitate, aut queraris. A Deo est, culpares non potes aliquid malum, aut acerbum in eo, & ab eo qui bonitas, & benignitas est totus. Quin addo. Cælum mihi vera germana quæ est patria, & hinc ego dissolui præceptor suauissime, dissolui cupio, & esse cum Christo. At enim immaturus & in flore ineuntis adolescentiæ ab eo. Fateor; sed vitæ huius tam satur quam Priamus aliquis, aut Nestor. Annos computa. satis vixi, nihil hic diuturnum. quicumque ad extremum sui fati venerit, moritur senex. Famam. satis.

*Qui notus nimis omnibus  
Ignotus moritur sibi.*

Voluptatem, & molestias, illam gustavi : his verò sum abundè satur. Ergo

*Cur non, ut vitæ plenus conuiua, recedam?*

Non est, non est profectò, quod me in hoc seculo teneat, aut delectet. plus fellis quàm mellis est in rebus humanis. Publica video? pessimè habent. Priuata? etiam in ijs suæ cruces, & mœror, ut ait Homerus, subit è mœrore, quem tamen ego meritò fero, quamdiu Deo, in quo vno requies, visum, qui me explorat, & expurgat per hunc ignem. Et mehercle ego ad mortem immaturus; ad mortem maturi omnes sumus postquam nati; imò etiam antequam nati.

*Quàm multos vitæ exortes, et ab opere raptos  
Abstulit atra dies!*

Quàm multis in ipso vtero, vix bene infuso spiritu, spiritus est creptus! Multos habet magnus ille mundani hor-  
ti cul-

ti cultor flores, herbas, fructus, scit quando hunc, & illum opus sit tollere, in ipsa opportunitate, & vigore, quemq; in suum vsũ. Quin scito, nihil ab eo nisi tempestiue, nisi vtiliter, & ex salute nostra fieri. Scilicet ille nobis ad perniciem indulget. non solũ Deus est, qui ita de nobis statuit; sed & pater pientissimus, cui nos magnæ curæ, & amoris. Video quid te vel maxime torqueat, durum tibi videtur à consuetudine, & conspectu meo familiari diuelli; cum & ego largiter amorem tuum nouerim, & tu animũ meum, in quo acris flamma, sed per nullam occasionem erumpendi adhuc clausa. Ne ingemisce

*Prima quæ vitam dedit hora, carpsit.*

Ibimus omnes, ibimus; nec seiungimur, sed leuiter alter alterum anteimus. Quos hĩc amor coniunxit, mors, verius dicam transitus ad vitam non separabit. Non amorem mei absentis præceptor suauissime requires, aut fidem. breui me videbis, & suauis habere, vt mihi mentem Deus inijcit: & ego instabo votis; tu modò agè quæ caritas, & amor tuus in me est, amare imò, & curare me perge. Hæc fatus sacramenta, quibus morituri præmuniri, & Deo reconciliari solent, omnia religiosissimè poposcit. atq; ita peccata vniuersæ vitæ prudenti, & pio Sacerdoti, dolenter, & ex animo confessus: Sacro oleo reuerenter, placidè, & patienter perunctus, postridie Sacrosanctum & augustissimum Domini nostri Iesu Christi corpus, magna cum animi submissione, lacrymis, & diuinæ maiestatis veneratione suscepit. Quis hĩc pietatis, & religionis eius in Deum certissima, ac luculentissima testimonia? quis animi verè Christiani significationes, & affectus percensebit?

Nobis



Nobis inspectantibus, & lacrymantibus

*Obstupuere animi.*

Verè hîc omnem salutis spem in diuina bonitate, & misericordia sibi constitutâ ostendit. nihil in ore eius, nisi dulcissimum nomen Iesu, aut Sacratissimæ Virginis Mariæ, & aliorum Diuorum, à quibus auxilium exposcebat. Vidi Auditores mei, & hisce auribus audiui, grauius illum dolere triste huius vitæ exilium: ægrè pati omnia, quæ animus è corporis ergastulo euolare cupientem remorantur: cupiditate Dei fruendi, & patriæ cœlestis vehementer ardere: calidè à Christo Seruatore precibus instare, vt se ex his prauis, turbidis, tristibus, transueheret ad meliora, puriora, lætiora. Sic eius

*Mens desiderijs icta fidelibus.*

ad beatum portum, & vitam in qua gaudiorum, nec modum ullum esse scimus, nec finem, auebat. Neq; inane fuit adolescentis integerrimi votum. Cum dies aliquot nobiscum hæsit, xiii Calend. Nouembr. qui est sacer Translationi D. Adalberti, me (liceat dicere) exosculatus, suumq; in me voce iam moribunda testatus amorē, atq; Iesu Christi è cruce pendentis imaginē magna diuini amoris significatione frequentius diffuauit, cœlum suspiciens, Diuorumq; & Sanctissimæ Virginis Mariæ apud Filium implorans opem, inter hæc verba: Noui, noui fallaciā mundi, miserere mei Domine Iesu, miserere mei, tuum de me statue placitum, & resolue me: rursus: In manus tuas Domine Iesu spiritum meum commendo: demum: Domine Iesu suscipe spiritum meum, cum incredibili omnium nostrum, qui aderamus dolore, & fletu, extremum Deo

D

spiritum

spiritum placidissimè reddidit, & nos in hocce squallido  
luctu reliquit. Ah me infelicem. Secius res cecidit, quàm  
oportuit. Breuem hanc virtutum ipsius commemoratio-  
nem mihi leuationi fore existimàram, dolorem dolore  
cumulauit. Etenim Auditores mei, eum qui reuera fuit

*Troica dignus*

*Secula, et Euboici transcendere pulueris annos,*  
& in quo omnia propemodum summa, perdidimus. Ge-  
nus eius intuemur? Nobilissimus est. Famam? clarissimus.  
Ingenium, industriam, mores? præstantissimus. Magnitu-  
dinem animi, rarumq; eloquiij decus? excellentissimus.  
Virtutem, atq; doctrinam? vtraq; maximus. Perdidimus  
fulcrum religionis iam iam proximum, splendorem, atq;  
præsidium patriæ perdidimus. Heus Christophore sua-  
uissime siccine cecidisti? siccine floscule fragrantissime  
exaruiisti? Hic virtutis honos?

*Huc tua te præstans animi constantia vexit?*

O mortem inuisam mortem malignam! Nihil eam æta-  
tis, nihil ordinis, nihil dignitatis, nihil rari ingenij, & virtu-  
tis misertum est. Vbi Christophore mi tua

*-- Forma nitens niueaq; in fronte serenus*

*Ille decor, dulcisq; oculorum aspectus, et altæ*

*Sidereus ceruicis honos?*

Hæcine illa pietas, afflicte toties promissa patriæ? hæc lux  
tuorum? hæc quies mea, & finis laborum? Nimirum vtrā-  
que Rempub. sacram, & prophanam suffulcire: amplissi-  
mæ, & antiquissimæ gentis tuæ lucem augere: nobis splē-  
dorem communicare debuisti; tu vero omnis spei tuæ, &  
nostræ, in ipso ætatis flore naufragium fecisti, atq; aded  
ipsum



ipſius vitæ. Iaces Chriſtophore mi, iaces exanimis,  
-- *iacet miſerandum, et flebile corpus.*

*ſam mutum eſt ſine voce caput.*

O acerbam nobis illius diei memoriam, quo diuulſus à nobis virens ſurculus ex quo fructum expectabamus. Hem quàm fallaces ſunt hominum ſpes, & deſtinationes! Quò abiſti? quò raptus es mi Chriſtophore? Hæc fides, hic tuus in me amor? Multùm apud me grauiffima feбри laborantem; & penè iam moribundum, tui interdiu, noctiuq; mihi aſſidentis, & ſpe vitæ me conſolantis potuerunt lacrymæ. ecce infeliciter viuo; tu me in caſſum flere pateris? Repeto, repeto abs te pietatem, redde quam debes. reuiuſce, & ſi mori aliquem opus, ſqualidum hoc pro te, atq; miſerum caput deuoueo. Verus in te mihi amor. tuus ego viuus, mortuusq; mente hac teſtor, Magnus audiat Deus. Verùm quid voces, aut lamenta ſpargo? Fata curſum ſuum peragant. Recalcitrem, cum ſim homo, Deo? Prouidentię hoc decretum. Summum bonum fecit, bene fecit, bene ſtatuit; & in noſtrum, ac Chriſtophori noſtri uſum. Certè quidem in Chriſtophori palam. optimè cum illo actum. Guſtauit è duplici dolio, quod hic ſupremus Sympoſiarcha nobis miſcet. tricæ, & ſpinæ omnis hæc vita, & falleris quiſquis in ea quæris gaudiorum flores, guſtauit inquam, & obiit. Obiit? A vinculis, ad libertatem iuit. Obiit? A curis, & angoribus, ad quietem, & gaudia vti confiſimus, & cupimus. Obiit? Abſoluit iter, decurrit ſtadium, palmam, & coronam habet. Beatum eum inter beatos pietas in Deum, vitæ integritas, & candor ſpondent.

D ij

*Nunquam*

*Nunquam Stygiæ fertur ad undas.  
Incluta virtus; sed  
Cælum recludit immeritis mori.*

Apagè lacrymas, ridet Christophorus noster luctum nostrum, sed & miseratur, & pro nobis (spes firma me habet) vti pollicitus est, vota concipit. Graue est non nescio, aut nego, adolescente, (ex fide, & vero dico) ab aureo ævo priuari: at lex communis est, omnis hora, omne momentum, omnes ad metam hanc ducit. Et certè ecce nobis Deus benignus, alteros ex hac feracissima planta seruat ramos, habemus in quibus spes reclinemus, & solatium in hoc luctu petamus. Bene fundata hæc amplissima domus est, rarefcere potest: extingui (nisi inopinabili aliquo fato) non potest. ad hos illustres, & optimæ indolis pueros, qui supersunt, ab illo quem Deus & cælum habent, oculos mittamus. Christe Iesu

*Gentis humanæ pater, atq; custos.*

per illam mortem ignominie plenam, quam pro nobis in cruce sponte subiisti, Christophoro tuo, quem ex his turbidis ad te traxisti, coronam iustitiæ quam diligentibus te promisisti tribue: hos autem illustres, & virescentes furculos, quos nobis in hac vili terra reliquisti, fac crescere, & adolescere, in Ecclesiæ, & patriæ vsum. Voueo, & acclamo. DIXI,

Ad Lectorem



# Ad Lectorem.

**Q**uiscunque es Lector beneuole, epistolae aliquot Illustris & M. Christophori Pacz Palatinidae Minscen. discipuli mei suauissimi adscriptas vides. velim hoc sine accipias. Oratiunculam in eius commendationem dixi. Ex fide dico, nihil temere in ea. Dicere talia pietas me iussit addere, aut detrudere religio non permisit. Ab ipsius mei verbis, & mente, mihi pondus esto, & tu æquus arbiter. Inspice, & lege.

## Epistola I. Lublinum,

Christophorus Pacz Illustri et Magnif. D. Ioanni Pacz Palat. Minscen. parenti suauissimo.

**E**GO hinc Illustris, & Magnifice D. & parens suauissime morior, & vivo, affligor mœrore, lancinor morbo. cœlestem opto Apollinem, aut Aesculapium qui mihi salutem det; & fiet quidem illa mihi, si ille volet, qui super nos vult, & potest omnia. At dum paulisper me exercet non abeo, ad vana, aut externa solatia. Animo indui rerum quæcunque homini aliunde accidunt, aut incidunt voluntariâ, & sine querela perpersionem; & cui hæc radix constantiam. Scilicet hæc est sola illa Helena, quæ verum illud, legitimumque Nepentes propinat, in quo obliuio dolorum. Hoc semel imbibit, altus contra omnem casum, nec ut in lance propendens, aut dependens, magnum mihi illud vendicabo: Non moueri. Nimbi circa me cadant, & fulmina. clamabo vera magnaque voce: Sum medijs tranquillus in vndis. Altum illud, & arcanum mihi instillo. Cælum vera mihi, germanaque patria est. Et mehercle quid meus mœror? Hoc ingenium omnibus creatis, ut insita quadam vi ad mutationem ferantur, & casum. Et recentia nobis exempla documento. Subruta lapidea clari viri Vilnen. Pigolcæ, & charam coniugem, & liberos obruit. Dexter & strenuus Generosus Dominus Lacki vltimum naturæ debitum reddidit. Hec quid aut ipsi sumus? aut omnia in quæis sudamus? Quid est esse aliquid quem? quid est esse nullum? vmbra somnium homo, ut verè nimis olim Lyricus vates, At tristitia nos premunt. fateor non opprimunt. Et reuera grata tantum nobis cœlitus submitti putamus? Imò tristitia etiam; nec quicquam in hac grandi machina geritur (peccatum excipio)

cipio) cuius origo non à prima illa causa. Hanc sequamur, & æquum  
censeamus, vt hominì placeat, quicquid placuit Deo. Videlicet huic  
parère, ait Seneca, libertas est. Summum ille bonum est, & quæ pati-  
mur bona, si remoto opinionis velo, oculos ad ortum illorum refe-  
ramus, atq; finem. Vnde oriuntur? à Deo, qui lædere æque spernit, ac  
lædi, & cui vna summaq; potentia est, Prodesse. et ista ipsa aspera, quæ  
suggerit, aut ingerit, velut medicamenta sunt, sensu tristitia: re salubria,  
& euentu. Finem cupimur? ad bonum diriguntur semper, & salutē.  
Nimirum tristibus semper Deus, aut bonos exercet, aut lapsos casti-  
gat, aut improbos punit, eaq; omnia nostro bono. Hæc mihi Illustis,  
& Magnifice parens, in morbo meo solatium. Quid hîc mecum aga-  
tur ex alijs cognosces. Ego me auxilio Dei melius valere sentio, &  
lætiora spero. Numen supremum nobis aspiret feliciori aura, teq; in-  
columem conferuet, & nobis reducat. Vilnæ VIII. Calend. Septem.  
M. DC. X.

## Epistola II. Czartoriscium.

*Eidem.*

**L**iteris tuis Illustis, & Magnifice D. & parens optime, quarum v-  
nas VI. Idus Septemb. alteras XVIII. Calend. Octobr. accepi, ni-  
hil mihi gratius in vita mea. Amorem illæ dicam verius flammam  
amoris ardentem in me spirant. Deo si placet hîc mihi vitam cupis;  
sin minùs, perennem. O affectus! Felix commutatio. amplector ver-  
bum. viuo si Numen benignum dat; libentius morior. Video quid  
boni in morte sit. Mali in bonum permutatio. Scripsi proximis: Cæl-  
um mihi propria, germanaq; patria est, ad hanc quî aditus patet nisi  
me Deus hac corporis custodia liberauerit? Non satis vixi.

*Beatus ille quem iuuentæ in limine*

*Abstrahit à vitijs ipse, & sibi adstringit Deus.*

Et certè pello ego istas ineptias penè aniles, ante tempus mori mise-  
rum esse. Quod tandem tempus? Natura dedit vsuram vitæ, nulla  
præstituta die, repetit cum vult. Sed ecce mortuus (ita parens optime  
scribis) viuo, & quidem melius suauiusq;. Deo meo, cui me totum de-  
uoui, curæ mea vita. hîc eam mihi indies impertit beatiorē, cura &  
diligentiā medicorum, & charissimi, diligentissimiq; præceptoris  
mei. Huic me hercle si viuo, multum debeo, dies ille noctesq; propter  
me insom-



me insomnes ducit, & medicos (quin & ipse munia eorum obit) diligentes, ac strenuos facit in opere. Deus ter, Opt. Max. te nobis diu saluum seruet. Vilnæ XVII. Calend. Octobr. M. DC. X.

## Epistola III. Pultouiam.

Christophorus Pacz Ioanni Gruzewski Presb. Soc.  
*Iesu amicissimam S.*

Silui, & silentium meum non ab obliuione tut. Verè dico, amorẽ tuum in me R. P. mihi suauissimè purum, & singularem effusè noui. Flumina citiùs sistas, quàm me amantem redamare vetes. Seu uiuoz; seu morior semper mecum hæres. Silui à morbo, sed ecce neq; hic mihi silentium perpetuum. Scribo, amoremq; meum in te testor æternum esse. Quid hîc mihi sit auidè inquiris. Bibo illud vetus poculum mœrorum; & quidem sapidè. A Deo est: nec temerè illud mihi cœlestis medicus propinat. Duris ille, & tristibus nos exercet ad virtutem in hoc Gymnasio, nec vnquam nobis ad perniciem indulget. Et sanè ego solus felix, stabilis, & firmus: Æterna lex à principio dicta omnibus creatis, nasci, denasci, oriri, aboriri; nec quicquã stabile, aut firmum arbiter ille rerum voluit, præter ipsum. Sic omnia verti cernimus: & nulla vis humana, vel virtus meruisse vnquã potuit, vt, quod præscripsit fatalis ordo, non fiat. Fulsere mihi mei soles: nox paulisper nunc sit, redibit rursus (spes me bona habet) imò iam videtur redire radiatum illud lumen expectatæ salutis ferè ab Hesperijs, & occasu. Veterno solutus sum, suauiter comedo, placidè dormio, expressim loquor, & indies omnia meliora, & molliora expecto. Fiet, fiet & mihi sanitas, si Deo visum, quem tu R. P. mihi amantissimè voris placa, & me tui amantem ama. Vilnæ Calend. Septembr.

M. DC. X.

Epitaphia



# EPITAPHIA Christophorus Pacz Palati. Minf.

Viatori.

**Q**VI legis hæc, scito. morior super æthera notus  
Christophorus, mihi mors vita perennis erit.  
Paciadum duxi genus alto à sanguine; magna  
Et vixi patriæ spesq; decusq; mea.  
Sola mihi semper virtus in amoribus. alti  
Flagraui solo totus amore Dei.  
Felix ingenio, felix mentisq; vigore,  
Felix & Clarij munere utroq; Dei.  
Imusa hæc morti, haud patitur me viuere: Diu  
Vitæ disrumpunt aurea fila mea.  
Dulce mori mihi. mors vitæ melioris origo  
Est. Dubitas? Coelum, qui bene vixit, habet.  
Crede, mori didici, dum vixi. viuo perenne  
Æuum. quisquis aues viuere, disce mori.

Christophori Pacz Palatinidæ Minf. cen.  
Tumulus Viatori.

**C**hristophorus alti Paciorum sanguinis  
Germen, suæ inclytumq; lumen patriæ,  
Virtutis almæ cultor, ingenio potens,  
Terras vbi reliquit. extinctum decus  
Gens Pacia, Patria lumen amissum dolet,  
Tristes Camœnæ, candidis cum Gratijs  
Sidus suum desiderant. O mors atrox  
Sicne ante tempus flosculum suauem secans  
Tot dotibus, tot spebus orbas omnium  
Suspensa vota: Nostri sors flenda est. fuit  
Eheu fuit. non est. Querêris? desine.  
Non periit ille. viuit æternum; ex humo  
Abiit, atq; coelites petijt locos.  
Hæc terra seruat mentis hospitium pie  
Corpusculum. Mori vereris? viuere  
Quousque viuis disce Numini. iam abi.







